

МОНГОЛ УЛСЫГ 2021-2025 ОНД ХӨГЖҮҮЛЭХ
ТАВАН ЖИЛИЙН ҮНДСЭН ЧИГЛЭЛИЙН ХЭРЭГЖИЛТЭД ХИЙСЭН
ХЯНАЛТ-ШИНЖИЛГЭЭНИЙ ТАЙЛАН

2025 оны 6-р сарын 30-ны байдлаар

Нэг. Хяналт-шинжилгээ, үнэлгээний зорилго, үндэслэл, арга зүй

Хяналт-шинжилгээ, үнэлгээний зорилго нь Улсын Их Хурлын 2020 оны 8 дугаар сарын 28-ны өдрийн 23 дугаар тогтоолоор баталсан “Монгол Улсыг 2021-2025 онд хөгжүүлэх таван жилийн үндсэн чиглэл”-д Эрчим хүчний яамны хариуцан хэрэгжүүлэхээр тусгагдсан зорилт, арга хэмжээний 2021 оноос 2025 оны 6 дугаар сарын 30-ны өдрийг хүртэлх хугацаагаар хэрэгжилтийн явц, үр дүнд хяналт-шинжилгээ хийж, хэрэгжилтийг зохион байгуулж байгаа болон шийдвэр гаргах түвшний албан тушаалтнуудыг мэдээллээр хангахад оршино.

Хяналт-шинжилгээний ажлыг гүйцэтгэхдээ Монгол Улсын 2021-2025 оны хөрөнгө оруулалтын хөтөлбөрийн хэрэгжилт, хөгжлийн бодлогуудын хэрэгжилт, салбарт гадаадын зээл тусламжаар хэрэгжиж буй төслүүдийн үйл ажиллагааны тайланг судлах, тухайн ажлыг хариуцсан албан тушаалтнуудтай уулзаж ярилцах, холбогдох газруудаас тодруулга авах замаар цуглуулсан мэдээ, мэдээлэлд үндэслэн гүйцэтгэв.

Үндсэн чиглэлд тусгагдсан төсөл, арга хэмжээнүүдийн хэрэгжилтэд хяналт-шинжилгээг хийхдээ Засгийн газрын 2025 оны 01 дүгээр сарын 29-ний өдрийн 43 дугаар тогтоолын 1 дүгээр хавсралтаар баталсан “Хяналт-шинжилгээ хийх журам”-ыг баримтлав.

Хоёр. Хяналт-шинжилгээний үр дүн

Монгол Улсын 2021-2025 оны таван жилийн үндсэн чиглэлд эрчим хүчний салбарын чиглэлээр тусгагдсан 7 арга хэмжээ нь 2021 оноос 2025 оны 6-р сарын 30-ны өдрийг хүртэлх хугацаанд **70.34** хувийн хэрэгжилттэй байна.

№	Арга хэмжээ	Шалгуур үзүүлэлт	Зорилтот түвшин		Хүрсэн түвшин/ Хэрэгжилт %
			он	хүрэх түвшин	
Зорилт 4.2. Эдийн засгийн бүтцийн шинэчлэлийг эхлүүлж, өрсөлдөх чадварыг нэмэгдүүлэн, экспортод чиглэсэн хүнд, хөнгөн үйлдвэрлэлийг хөгжүүлнэ.					
1	4.2.7.эдийн засгийн хөгжлийг дэмжсэн эрчим хүч, инженерийн дэд бүтцийг хөгжүүлнэ.	Төслийн гүйцэтгэлээр	2024	100%	69%
2	4.2.8.цахилгаан станцуудыг өргөтгөж, цахилгаан дамжуулах агаарын шугам, дэд станц, шинэ эх үүсвэрийг барьж, цахилгаан эрчим хүчээр дотоодын хэрэгцээг бүрэн хангана.	Шинээр нэмэгдэх суурилагдсан хүчин чадлын өсөлтөөр	2025	Суурилагдсан чадал 815 МВт-аар нэмэгдэнэ.	68%
3	4.2.11.эрдэс баялгийн экспортын зонхилох хувийг эзэлж байгаа нүүрс, зэсийн баяжмал, төмрийн хүдэр, түүхий нефть зэргийг нэмүү өртөг, үнэ цэнэ шингээн боловсруулж, экспортлох хүрээнд нүүрс-химийн, зэсийн баяжмалын, төмөрлөгийн зэрэг хүнд үйлдвэрийн бүтээн байгуулалтыг нэн яаралтай эхлүүлж, ашиглалтад оруулах, түүнд шаардлагатай дэд бүтэц болох төмөр зам, ус, эрчим хүчний төслүүдийг хэрэгжүүлнэ.	Төслийн гүйцэтгэлээр	2025	2026 онд суурилагдсан чадал 450 МВт, 2025 онд 230 км ЦДАШ нэмэгдэнэ.	50%
4	4.2.12.улс, орон нутгийн төсөвт ачаалал үүсгэхгүй төр, хувийн хэвшлийн түншлэлийн	Шинээр нэмэгдэх суурилагдсан	2025	Суурилагдсан чадал 400 МВт-аар нэмэгдэнэ.	100%

	хэлбэрээр орон нутгийн хот, суурин газарт цахилгаан, дулааны эх үүсвэрийг нэмэгдүүлнэ.	хүчин чадлын өсөлтөөр			
5	4.2.13.Баянтээг нүүрсний уурхайг түшиглэн 20 МВт-ын цахилгаан станц барьж, сайжруулсан шахмал түлшний үйлдвэрийг өргөтгөн, хөрш зэргэлдээх аймгуудын түлшний хэрэгцээг хангаж, агаарын бохирдлыг бууруулна.	Төслийн гүйцэтгэлээр	2025	Сайжруулсан шахмал түлшний үйлдвэр баригдсан байна.	30%
6	4.2.14.Завхан, Говь-Алтай аймгуудын эрчим хүчний дутагдлыг арилгах зорилгоор шаардлагатай агаарын шугам, дэд станц, шинэ эх үүсвэрийн шинэчлэл, барилгын ажлыг хэрэгжүүлнэ.	Төслийн гүйцэтгэлээр	2024	Төслийн хэрэгжилт 100%	100%
7	4.2.16.эрчим хүчний дотоодын хэрэгцээг бүрэн хангасан, тогтвортой, өөрийгөө зохицуулах чадвар бүхий системийг бүрдүүлнэ.	Төслийн гүйцэтгэлээр	2024	100%	75,4%
Хэрэгжилтийн дундаж хувь					70.34%

Гурав. Дүгнэлт

- Монгол Улсын 2021-2025 оны таван жилийн үндсэн чиглэлд эрчим хүчний салбарын чиглэлээр тусгагдсан 7 арга хэмжээ нь 2021 оноос 2025 оны 6-р сарын 30-ны өдрийг хүртэлх хугацаанд **70.34** хувь буюу **“үр дүн хүлээгдэж байгаа”** гэж үнэлэгдэв.
- Өсөн нэмэгдэж буй хэрэглээг бүрэн хангах, импортын хараат байдлыг бууруулах нь салбарын тулгамдсан асуудал хэвээр байгаа учир томоохон төслүүдийг эхлүүлэх, хэрэгжүүлэхэд санхүүжилт, дэд бүтэц, газар чөлөөлөлт гэх мэтийн хүндрэлүүд тулгарч байгаад анхаарч бодлогын баримт бичгүүдэд нарийвчлан тусгаж хэрэгжүүлэх шаардлагатай байна.

Дөрөв. Зөвлөмж

- Цаашид төсөл, арга хэмжээнүүдийн бэлтгэл ажлыг сайтар хангаж, суурь түвшнийг бодитойгоор тодорхойлж, үе шат бүрд хүрэх түвшин, шалгуур үзүүлэлт, тэдгээрт харгалзах гүйцэтгэлийн хувийг төлөвлөж байх шаардлагатай байна.

Арга хэмжээний дэлгэрэнгүй биелэлтийг хавсаргав.

**ХЯНАЛТ-ШИНЖИЛГЭЭ, ҮНЭЛГЭЭ,
ДОТООД АУДИТЫН ГАЗАР**

2025 оны 7 дугаар сарын 24-ний өдөр